



Broj: 07-11-626/21
Vogošća, 03.06.2021. godine

Na osnovu člana 69. stav 2. tačka tačka e) Zakona o javnim nabavkama BiH ("Službeni glasnik BiH" broj: 39/14) i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 03.06.2021. godine donio je

**ODLUKU
O PONIŠTENJU OTVORENOG POSTUPKA NABAVKE USLUGE OBAVLJANJA
STRUČNOG NADZORA NAD IZVOĐENJEM RADOVA NA IZGRADNJI DISTRIBUTIVNE
GASNE MREŽE I IZGRADNJI-DOGRADNJI JAVNE RASVJETE NA PODRUČJU
OPĆINE VOGOŠĆA, ZA PERIOD 2021-2023. GODINA**

Član 1.

Poništava se Otvoreni postupak nabavke usluge obavljanja stručnog nadzora nad izvođenjem radova na izgradnji distributivne gasne mreže i izgradnji-dogradnji javne rasvjete na području općine Vogošća, za period 2021-2023. godina broj: 07-11-626/21, jer primljena ponuda nije prihvatljiva, a u skladu sa članom 68. stav 1. i članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Član 2.

Ovom Odlukom stavlja se van snage Odluka o izboru najpovoljnijeg ponuđača za pružanje usluge obavljanja stručnog nadzora nad izvođenjem radova na izgradnji distributivne gasne mreže i izgradnji-dogradnji javne rasvjete na području općine Vogošća, za period 2021-2023. godina broj: 07-11-626/21 od 25.05.2021. godine.

Član 3.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 29.04.2021. godine donio Odluku o pokretanju Otvorenog postupka nabavke usluge obavljanja stručnog nadzora nad izvođenjem radova na izgradnji distributivne gasne mreže i izgradnji-dogradnji javne rasvjete na području općine Vogošća, za period 2021-2023. godina, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 29.04.2021. godine pod brojem: 1353-1-2-61-3-59/21. Sažetak Obavještenja o nabavci objavljen je u "Službenom glasniku BiH" broj: 28/21 od 07.05.2021. godine

Nakon provedene Zakonom propisane procedure, dana 25.05.2021. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07-11-626/21, kojom je kao najpovoljniju ponudu u Otvorenom postupku nabavke usluge obavljanja stručnog nadzora nad izvođenjem radova na izgradnji distributivne gasne mreže i izgradnji-dogradnji javne rasvjete na području općine Vogošća, za period 2021-2023. godina ocijenila ponudu

ponuđača "Radis" d.o.o. Istočno Sarajevo, kao jedinu pristiglu ponudu, sa ponuđenom ukupnom cijenom nabavke u iznosu od 1.933,28 KM bez uračunatog PDV-a, odnosno 2.261,94 KM sa uračunatim PDV-om.

U skladu sa tačkom 7.1.2. TD. izabrani ponuđač je u roku od 5 dana od dana zaprimanja Odluke o izboru najpovoljnijeg ponuđača bio dužan dostaviti na protokol ugovornog organa dokumentaciju iz člana 45. stav 2. Zakona, kojim se dokazuje vjerodostojnost date izjave, odnosno ispunjenje uslova iz tačke 7.1.1 TD i to:

- Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza.

Traženi dokumenti iz tačke 7.1.2. TD moraju biti originali ili ovjerene kopije i ne mogu biti stariji od tri mjeseca, računajući od dana dostavljanja ponude.

Izabrani ponuđač je također u skladu sa izjavom iz Aneksa 5. TD u roku od 5 dana nakon prijema Odluke o izboru najpovoljnije ponude, neposredno na protokol ugovornog organa Općina Vogošća bio dužan dostaviti Ovlaštenje (ili više ovlaštenja) Federalnog ministarstva prostornog uređenja za obavljanje djelatnosti vršenja nadzora na izgradnji gasne mreže i javne rasvjete, original ili ovjerenu kopiju.

Krajnji rok za dostavu tražene dokumentacije po članu 45. Zakona o javnim nabavkama BiH zahtjevanom tačkom 7.1.1 TD je bio 31.05.2021. godine, obzirom da je Odluka o izboru najpovoljnijeg ponuđača zajedno sa Obavještenjem o rezultatu postupka javne nabavke i Zapisnikom o pregledu i ocjeni ponuda ponuđaču koji je učestvovao u postupku dostavljena dana 26.05.2021. godine.

U ostavljenom roku izabrani ponuđač "Radis" d.o.o. Istočno Sarajevo nije dostavio dokumentaciju traženu po članu 45. stav 2. Zakona, kojom se dokazuje vjerodostojnost date izjave u sklopu Ponude broj: 576-05/21 od 21.05.2021. godine.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke usluge obavljanja stručnog nadzora nad izvođenjem radova na izgradnji distributivne gasne mreže i izgradnji-dogradnji javne rasvjete na području općine Vogošća, za period 2021-2023. godina, iz razloga jer primljena ponuda nije prihvatljiva, a u skladu sa članom 68. stav 1. i članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Radis" d.o.o. Istočno Sarajevo
2. Nadležnoj Službi
3. U dosije
4. a/a

057/343-136



OPĆINSKI NAČELNIK

Edin Smajić
Edin Smajić